



Banja Luka, 1.8.2016.
Broj:451/16

Savjet/Vijeće ministara Bosne i Hercegovine
Ministarstvo vanjske/spoljne trgovine i ekonomskih odnosa
Musala 9
71000 Sarajevo

Predmet: Inicijativa za ratifikaciju GMO amandmana na Arhusku konvenciju

Poštovani,

Centar za životnu sredinu¹ Vam se obraća sa **Inicijativom za ratifikaciju GMO amandmana na Arhusku konvenciju od strane Bosne i Hercegovine.**

GMO amandman predstavlja dodatak na Arhusku konvenciju i odnosi se na učešće javnosti u donošenju odluka o namjernom unošenju u životnu sredinu i stavljanju na tržište genetski modifikovanih organizama. Amandman stupa na snagu kada ga ratifikuju tri četvrtine potpisnica Arhuske konvencije u vrijeme kada je amandman usvojen. Do danas, GMO amandman je ratifikovalo 30 potpisnica Arhuske konvencije, od kojih su 24 bile strane Konvencije u vrijeme kada je amandman donesen, te ratifikacijom još tri potpisnice će stupiti na snagu.

Ratifikacijom GMO amandmana potrebno je pokazati opredjeljenost Bosne i Hercegovine za usaglašavanje domaćeg zakonodavstva iz ove oblasti sa EU legislativom, te olakšati pristup informacijama i učešće javnosti, kao i povećati svijest građana Bosne i Hercegovine o pitanjima koja se tiču genetski modifikovanih organizama.

Inicijativu podnosimo Ministarstvu vanjske/spoljne trgovine i ekonomskih odnosa i Savjetu/Vijeću ministara Bosne i Hercegovine sa ciljem pokretanja procedure ratifikacije GMO amandmana Arhuske konvencije, te tražimo da se pokrene postupak koji prethodi upućivanju prijedloga za ratifikaciju od strane Parlamentarne skupštine Bosne i Hercegovine.

Konačni cilj ove inicijative je da se osiguraju prava građana Bosne i Hercegovine da budu informisani i da učestvuju u odlukama o namjernom unošenju u životnu sredinu i stavljanju na tržište genetski modifikovanih organizama.

Napominjemo, da smo spremni da pružimo punu stručnu i pravnu podršku pri izradi obrazloženja prijedloga odluke o potvrđivanju GMO amandmana na Arhusku konvenciju.

Srdačan pozdrav.

Viktor Bjelić
Koordinator Arhus centra

¹ Centar za životnu sredinu, u saradnji sa drugim nevladinim organizacijama, 2004. godine pokrenuo je kampanju za ratifikaciju Arhuske konvencije u Bosni i Hercegovini – Konvencija o pristupu informacijama, učešću javnosti u donošenju odluka i pristupu pravosuđu u oblasti životne sredine. Poslije uspješne kampanje, konvencija je ratifikovana 2008. godine i predstavlja ključno sredstvo za civilno društvo koje se bavi pitanjima iz oblasti životne sredine.